




Broj: UP-I-13-15.02-9/22-1
Brčko: 23.12.2022. godine



Komisija za papire od vrijednosti Brčko distrikta BiH, rješavajući u predmetu ponude za preuzimanje „Izgradnja“ dd, Brčko, Bulevar Mira 4, od strane ponudioca „Delta inženjering“ doo, Brčko, Bulevar Mira 4, na osnovu člana 65. Zakona o papirima od vrijednosti („Službeni glasnik Brčko distrikta BiH“, broj:15/03, 27/04, 42/04, 28/07, 14/12, 20/17, 8/19, 10/19, 31/19 i13/21) i članova 11,32,40 i 46. Zakona o preuzimanju dioničarskih društava („Službeni glasnik Brčko distrikta BiH“ broj: 32/19), na svojoj 66. sjednici održanoj dana 23.12.2022. godine, **donosi:**

R j e š e n j e

o uspješnosti preuzimanja „Izgradnja“ dd, Brčko, Bulevar Mira 4, ponudom za preuzimanje od strane "Delta inženjering" doo, Brčko, Bulevar Mira 4,

1. Utvrđuje se da ponudu za preuzimanje koja je objavljena od strane ponudioca „Delta inženjering" doo, Brčko, Bulevar Mira 4, preostalih 15.043 ili 2,2508 % dionica izdavaoca „Izgradnja“ dd, Brčko, Bulevar Mira 4. po cijeni od 0,80 KM po dionici, nije niko prihvatio u roku ostavljenom u ponudi, čime je ponudilac izvršio svoju obavezu objavljivanja javne ponude za preuzimanje.
2. Dozvoljava se ponudiocu nastavak postupka preuzimanja 15.043 ili 2,2508 % dionica putem instituta prinudne prodaje u skladu sa odredbama Zakona i klauzulom koja je objavljena u Ponudi za preuzimanje pod tačkom 13.
3. Ukida se zabrana vršenja prava glasa na 653.312 dionice, oznake IZG9-R-A, koje su u vlasništvu „Delta inženjering“ doo, Brčko, Bulevar Mira 4

O b r a z l o ž e n j e

Rješavajući u predmetu objavljivanje ponude za preuzimanje dionica izdavaoca "Izgradnja" dd Brčko, Bulevar Mira broj 4, od strane "Delta inženjering" doo, Brčko, Bulevar Mira 4, kao ponudioca, Komisija za papire od vrijednosti Brčko distrikta BiH, utvrdila je na osnovu izvještaja depozitara Centralnog registra hartija od vrijednosti broj 01-20818/21 od 12.12.2022 i Izvještaja o preuzimanju broj 225/22 od 16.12.2022. godine, ponudioca "Delta inženjering" doo, da ponudu nije niko prihvatio u ponudom ostavljenom roku od 30 dana, čime je ponudilac izvršio svoju obavezu objavljivanja javne ponude za preuzimanje, što je konstatovano u tački 1. dispozitiva.

Obzirom da je ponudilac u svojoj ponudi naveo da će u skladu sa Članom 40. Zakona o preuzimanju dioničarskih društava koristiti pravo prinudne prodaje nad preostalim 15.043 ili

2,2508 % dionica, u tački 2. dispozitiva rješenja odlučeno je da ponudilac može izvršiti prenos vlasništva nad preostalih 15.043 ili 2,2508 % dionica po cijeni iz ponude od 0,80 KM za svaku dionicu.

Pošto je ponudilac izvršio svoju obavezu u pogledu objavljivanja ponude za preuzimanje, okončanjem roka od 30 dana, koji je definisan ponudom potrebno je ukinuti zabranu vršenja prava glasa na dionicama koje su u vlasništvu ponudioca što je tačkom 3. dispozitiva i učinjeno.

Pouka o pravnom lijeku

Protiv ovog rješenja u skladu sa članom 46. Zakona o preuzimanju dioničarskih društava („Službeni glasnik Brčko distrikta BiH“ broj: 32/19), nije dozvoljena žalba, ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik

Mirsad Bešliagić, MA



Dostavljeno:

- Ponudiocu "Delta inženjering" doo, Brčko, Bulevar Mira 4,
- Izdavaocu "Izgradnja" dd, Brčko, Bulevar Mira 4
- Centralnom registru hartija od vrijednosti, Banja Luka
- Banjalučkoj berzi hartija od vrijednosti, Banja Luka
- Evidenciji
- Arhivi